



Quotidiana Christiani Militis Tessera

Stanyhurst, Guillaume

Coloniæ Agrippinæ, 1682

3. Dies Julii. Homo cùm peccasti, aliud esse cœpisti, & quod eras, esse desiisti, ut fieres ex homines pecus. S. Ambros. in Psal. 118.

Nutzungsbedingungen

[urn:nbn:de:hbz:466:1-55659](https://nbn-resolving.org/urn:nbn:de:hbz:466:1-55659)

Julius.

Tessera.

51

ex jure materno? Bonis filiis preces Matris pro imperio sunt: quis melior filius, quàm JESUS? quæ melior mater, quàm MARIA? quæ obligatio major, quàm hujus optimi Filii, erga optimam Matrem? Optimus Filius optimæ Matris, potest efficere, ut uno momento, qui fui pessimus, fiam optimus; imò, ut qui fueram inter optimos, novissimus, fiam primus, & qui fueram primus inter pessimos, fiam novissimus. Filius tuus verbo virtutis suæ fecit omnia esse, non poterit eodem efficere mihi uni benè esse? Ut mihi benefacias, satis est mihi, benedicas? Dicam ergò cum Ecclesia, filius Ecclesiæ:

Nos, cum prole pia, benedicat Virgo Maria.

3. DIES JULII.

Homo cum peccasti, aliud esse cœpisti,
& quod eras, esse desiisti, ut fieres ex
homine pecus. *S. Ambros. in Psal. 118.*

Quidquid I.
vis, hoc es.

Homo naturâ unus, affectus
diversitate fit varius; est enim,
vel CARNALIS, vel ANI-
MALIS, vel SPIRITUALIS.
Carnalis est, qui belluæ ritu, divina & humana ne-
gligit; cujus vita, corporis est ancilla, solo negotiosa
cibo, somno, libidine; & huic convenit prædicta
tessera: dum enim carni nimium lenocinatur; jam
ab eo, qui fuerat à Deo conditus, planè fit alius,
quia fit pecori simillimus. Animalis est, qui judicio
sensus humani, quid decens, honestumq; sit, sentiat;
&c

& ab omnibus vitiis, propriâ animi inductione se referat; sic ut pecuniam spernat, ambitione careat, voluptatibus resistat, bonitate venerabilis sit. Denique spiritualis est, qui hoc, quod agit, non ut animalis naturæ rectæ instinctu, sed Dei afflatu agit; ut intelligens, quæ sit voluntas ejus, arcanum secreti consilii, & absconditi à temporibus sæculi, per revelationem; ac donum Spiritus sancti sciens, quæ ratio sit à Deo carnis assumptæ, quæ crucis triumphus, quæ mortis potestas, quæ in virtute Resurrectionis operatio. Prior, exprimit in se imaginem pecoris; alteri hominis; tertius, Angeli.

II. Vide, in quorum te velis referre classem. Deus, qui est ipsa liberalitas, tibi providit liberalissimè; non tantùm tibi dedit naturam perficere, sed eligere. Dedit enim tibi esse, quod velis cum dederit velle. Potes igitur, per omnem ambitum orbis jacere invidos oculos; & ad tuum arbitrium, in eam rerum classem adscribi, quæ placet magis. Eja igitur, veni, assurge, erigere: veni, non in eminens aliquod montis jugum, non in verticem Olympi, sed extra omnes anni, & solis vias; extra sidera; in magnam illam speculam non entium, & immānem vastitatem, ubi nihilū imaginariū spatiatur. Finge te inter eas jacere umbras, cum spe solū, simul & potentia spectandæ lucis, veniendique ex illa tenebrosa cosa nihili abyssu; in mundi hujus municipium; & jam testare in ipso, ut ingrediaris, mundi vestibulo; datam tibi porro potestatem, eam subire naturam, quam velles; & sub illa larva, quam malles, ut quamcumque in illo mundi teatro agas, quam volueris personam. Audi Magistrum hujus magnæ scenæ amicè

Julius.

Tessera.

513

amicè alloquentem : Age, dilata oculos, pone invidiam, bono animo sis, in Rempublicam coaptaris mundanam. Cumulatissimè tibi indulgeo, in eum conscribi ordinem, quem volueris. Vide omnes, propone tibi singulos, considera universos; eris, quod esse volueris.

III. Ecce servilem gregem, elementa, saxa, metallalla : ecce vulgus viventium, herbas, frutices, arbores : ecce sentientium plebeum, reptilia, quadrupedes, volucres, pisces : ecce equestrem ordinem, homines : ecce Senatorium, Mentis : ecce meum augustum solium. In nullam te urgebo classem, sine tuo consilio, arbitrio, suffragio. In illam te admittam, in quam volueris admitti. Nunquid tam humilis esses animi, ut eligeres glebam esse, aut aërem, aut rupem, aut pinum, aut pecudem, spretis superioribus ordinibus ? Ni fallor, imò scio me non falli, puto potiùs quid dico ? scio relictis splendentibus metallis in vulva terræ; pellucetibus unionibus in Erythrao littore; frondosis arboribus in nemore; aramentis in campo; imò & hominibus, in foro; malles esse Angelus in cælo; imò si posses, & Deus suprâ cælum. Hæc tibi divinitus data est potestas; hæc cœlitus concessa libertas : Natura sub votum venit; fies id, quod esse volueris, vel, ut pecus CARNALIS, vel ut homo, ANIMALIS; vel ut Angelus, SPIRITUALIS; vel ut Deus, unus cum illo spiritus. Nunc igitur, explica oculorum lumina; dilata cordis desideria; diffunde obtutum per immensa divinitatis spatia; vide, si est quod esse concupiscas. Cur per valles, & facies rerum, demittis oculos, & invides ? Leva per circuitum oculos; & vide omnes omnium

Part. II.

Kk

entium

entium ordines, sunt in tua potestate. Quidquid tu
hoc es. Utere prudenter tuâ libertate, nec velis ab
tuâ potestate. Non enim à sulco veritatis Poëta ex
ravavit, cum hæc exaravit:

Quanta hominis libertas, est & tanta potestas,

4. DIES JULII.

Nisi divinæ gratiæ subveniat adiutor
um; nihil prodest copiosum cujuslibet
bet adhortantis eloquium. *S. Augustinus*
cont. Julian. l. 2.

Sine Gra- I.
tia nihil
possumus.

Sicuti, ut declinemus à malo, fieri
faciamus bonum, opus est Gratia
illius, à quo procedit omne bonum.
num. Quod est anima corporalis
hoc est Gratia Animæ. Illud sine anima, caret vi
naturali: hæc sine gratia, vitâ supernaturali. Corporalis
vitâ destitutum, frustrâ, in ipsissimo meridie
li, dum toto radiorum apparatu circumfulget, et
ponis, ut oculos videndo: frustrâ, vel ex Græcia
Demosthenem; vel ex Italia Tullium evoces, ut aures
audiendo: frustrâ, totius Maii è viridariis flores, quæ
ex Arabia feligas exquisitissima aromata, ut nares
dorando: frustrâ, ex Pontificum canis, aut Lucanæ
mensis saliares proponas dapes, ut palatum gustan
do: frustrâ, cuniculi pilos, vel si quid mollius offer
ras, ut manus tangendo oblectet: corpus ad nihil
lum sensus lenocinium aspirat, dum caret Animâ, qui
spirat. Sic animæ, nihil, quod est suprâ animam, ne
cœleste, nil divinum placet, & est gratum absente
gratia